

Cov Kev Siv Nyiaj Ntxiv Rov
Qab Tau Thaum Saws Cov
Me Nyuam Xav Tau Cov Kev
Pab Tu Tshwj Xeeb

Reimbursable Expenses when Adopting Children with Special Care Needs

Wisconsin Department of Children and Families
Division of Safety and Permanence



1. Leej twg thiaj muaj feem tau qhov nyiaj ntxiv rov qab rau kev sawv me nyuam cov kev siv nyiaj?

Lub Wisconsin Department of Children and Families muab nyiaj ntxiv rov qab rau kev saws me nyuam cov kev siv nyiaj rau cov tsev neeg uas saws ib tug me nyuam xav tau cov kev pab tshwj xeeb los yog ib tug me nyuam yuav muaj cov kev pab xav tau tshwj xeeb. Kom muaj feem tau qhov nyiaj ntxiv rov qab, yuav tau muaj ib daim ntawv cog lus Adoption Assistance Agreement muaj npe kos rau nrog Wisconsin Department of Children and Families tseem siv tau. Qhov kev saws me nyuam yuav tsum muab ua kom tiav tas ua ntej xa ntawv mus thov kom ntxiv nyiaj rov qab rau kev saws cov kev siv.

2. Cov lus qhia rau qhov ntxiv nyiaj rov qab rau kev saws cov kev siv yog muaj dab tsi?

- Qhov nyiaj ntxiv rov qab siab tshaj plaws uas tau txiav txim muab los ntawm tsoom fww teb chaws cov cai tswj yog \$2,000 rau ib tug me nyuam.
- Lub Department of Children and Families hais kom cov ntawv xa mus thov kom ntxiv nyiaj rov qab yuav tsum muab xa tsis pub dhau ob xyoos txij hnuv qhov saws me nyuam ua tiav.
- Qhov nyiaj ntxiv rov qab yuav muab rau yog tias cov kev siv tseem ceeb yuav tsum tau siv kom qhov kev saws thiaj li tshwm sim tau nkaus xwb.
- Qhov nyiaj ntxiv rov qab yuav muab them ncaj qha rau cov niam cov txiv saws, tsis yog rau cov chaw muab kev pab (piv txwv li, qhov chaws khiav hauj lwm saws me nyuam los yog kws lij choj).
- Kev mus ncig cov kev siv, uas yuav muaj xws li chaw pw, puas noj los yog roj rau tsheb, yuav ntxiv rov qab raws li tus nqi tso cai them thaum lub sij hawm cov kev siv tshwm sim.
- Yog muaj lwm qhov chaw pab them rau qhov kev siv lawm, qhov nyiaj them rau tsev neeg saws los ntawm lub Department of Children and Families yuav tsis pub muab lawm.

3. Cov kev siv rau qhov kev saws twg thiaj muaj feem tau nyiaj ntxiv rov qab?

Cov kev siv rau qhov kev saws yog cov nqi uas tshwm sim muaj los ntawm cov niam cov txiv saws tom qab cov cai ua leej niam leej txiv tu tas uas tseem ceeb yuav tau siv kom qhov kev saws thiaj li tshwm sim tau. Cov kev siv yuav tsum yog siv ncaj nraim rau qhov kev saws raws cai ntawm ib tug me nyuam uas xav tau cov kev pab tshwj xeeb, yuav tsum tsis txhaum lub xeev los yog tsoom fww teb chaws ib tsab cai lij choj twg, thiab tsis tau pab them rau los ntawm cov niam cov txiv saws tus tswv hauj lwm los yog lwm qhov. Cov kev siv uas yuav pab them rau yog muaj xws li:

- *qhov chaw khiav hauj lwm saws me nyuam cov nqi* uas tseem ceeb yuav tsum tau ua rau txoj kev saws (piv txwv, mus xyuas lub tsev tus nqi);

- *kws lij choj cov nqi ntsig txog kev saws me nyuam* tom qab cov cai ua leej niam leej txiv txiav tu tas;
- *tus nqi mus muab daim ntawv pov thawj yug los (birth certificate)* rau tus me nyuam saws;
- *tsev hais plaub cov nqi los mus* ua kom tiav qhov kev saws;
- *tsheb thauj mus los cov kev siv* (ntxiv rov qab rau cov nqi txhab roj, caij tsheb bus) uas muaj los ntawm qhov mus sib tham hais txog mus xyuas lub tsev los yog mus saib qhov chaw ua ntej saws nrog tus me nyuam, uas yog ntxiv rov qab raws li lub xeev tus nqi tso cai them thaum lub sij hawm qhov kev siv tshwm sim muaj. Cov kev mus saib qhov chaw ua ntej saws yog ua raws li tau hais kom yuav tsum ua nkaus xwb thiaj muaj feem tau qhov nyiaj ntxiv rov qab;
- *cov nqi nyob hoom* thaum nws tseem ceeb thiab yuav tsum tau mus kom thiaj ua tiav qhov kev saws. Qhov yuav tsum tau siv qhov nyiaj no yuav tsum muab xyuas tias muaj tseeb los ntawm kev saws me nyuam tus neeg khiav hauj lwm thiab yog ib lwm mus thiab los;
- *cov nqi puas noj / khoom noj txom ncauj* siv rau cov niam cov txiv saws thiab tus me nyuam thaum kom mus koom thiaj ua tiav qhov muab tso muaj chaw los yog tso rau saws tus txheej txheem. Cov nqi no yuav pab them rau raws li lub xeev tus nqi tso cai them thaum lub sij hawm qhov kev siv nyiaj tshwm sim muaj;
- *chaw pw cov kev siv* muaj rau thaum qhov kev mus koom ntawm cov niam cov txiv saws tseem ceeb thiab yuav tau ua thiaj ua tiav qhov muab tso muaj chaw los yog tso rau saws tus txheej txheem. Cov kev siv no yog ntxiv rov qab raws li lub xeev tus nqi tso cai them thaum lub sij hawm qhov kev siv nyiaj tshwm sim muaj. Tso cai rau cov niam cov txiv saws thiab tus me nyuam ua ntej yuav muab nws saws them ib hoob pw tau nyiaj ntxiv rov qab. Yog xav tau cov hoob pw ntxiv ces yog tsev neeg ua tus them. Yuav tsis ntxiv nyiaj rov qab rau cov nyiaj siv rau lwm tus neeg, video games, xauj movies thiab kev tu hoob pw;
- *cov kev kuaj lub cev kev noj qab haus huv thiab laj lim tswv yim* rau cov niam cov txiv saws los yog cov neeg huav tsev neeg uas tau hais kom ua los ntawm kev saws me nyuam tus neeg khiav hauj lwm (yog tseem tsis tau them rau los ntawm Medicaid, Medicare los yog ntawv pov hwm mob nkeeg);
- *cov xov tooj hu kev deb uas yuav tsum tau hu* muaj ntaub ntawv cia uas yog muab ib daim qauv ntawm daim ntawv xov tooj xa tuaj kom them nyiaj thiab qhia tias yog hu mus tham txog dab tsi;
- *kev cob qhia / kev kawm cov nqi mus sau npe, cov phau ntawv siv rau kev kawm thiab cov nqi txhab roj rau cov niam cov txiv saws* uas kev saws me nyuam tus neeg khiav hauj lwm hais kom mus kawm. Cov nyiaj siv rau cov kev kawm no yuav tsum muaj ntaub ntawv sau cia los ntawm tus neeg khiav hauj lwm; los yog,

- *lwm cov kev siv nyiaj* tshwm sim muaj los ntawm kev saws me nyuam tus neeg khiav hauj lwm hais kom ua. Cov kev siv no yuav tsum muab xa mus nrog kev saws me nyuam tus neeg khiav hauj lwm ib daim ntawv tso cai.

4. Cov kev siv nyiaj rau kev saws twg uas tsis muab xam tias yuav tau ntxiv nyiaj rov qab?

- cov kev siv muaj ua ntej cov cai ua leej niam leej txiv txiav tu tas (piv txwv li, nyiaj them kws lij choj, cov kev mus ntsib kws kho mob thiab tsev kawm ntawv, thiab mus ntsib cov niam cov txiv yug tus me nyuam thiab lwm cov txheeb ze);
- kev mus ncig cov kev siv rau cov txheeb ze, cov phooj ywg tiab cov kwv tij cov muam cov viv ncaus tshwj tias ntshe ho tau ntawv los ntawm kev saws me nyuam tus neeg khiav hauj lwm tias cov kev siv yuav tsum tau muaj kom qhov kev saws thiaj tshwm sim tau no xwb;
- kws lij coj cov nqi rau kev npaj tej khoom ntiag tug (sau thiab kho cov ntawv seb yuav muab tej khoom ntiag tug ua li cas tom qab tas txoj sia lawm (wills), sau cov ntawv tuav tej khoom ntiag tug cia (trusts), thiab lwm yam);
- kho vaj kho tsev, tej chaw pw rau tus me nyuam, cuab yeej siv kho mob thiab khoom siv;
- cov kev siv rau kev kuaj cov tsiaj nyeg hauv tsev thiab cov tshuaj txhaj;
- cov tshuaj txhaj rau cov neeg hauv tsev neeg;
- cov kev siv kho mob thiab siv txhab roj rau tshab rau cov kev mus ntsib kws kho mob rau tus me nyuam thaum tseem nyob nrog niam qhuav txiv qhuav los yog ua ntej yuav muab saws;
- ris tsho rau tus me nyuam, khoom me nyuam ua si, kev saws uaib lub koom txoos, kev lom zem cov kev siv, tus me nyuam thiab tsev neeg yees duab;
- cov qauv ntawv pov thawj yug los ntawm cov niam cov txiv saws thiab ntawv pov thawj sib yuav; los yog,
- leej niam yug cov nqi kho mob los yog cov kev siv nyiaj mus saib leej niam yug thiab tsev neeg.

5. Kuv yuav ua ntawv thov kom ntxiv nyiaj rov qab li cas?

Ua kom tiav One-Time Expense Reimbursement daim ntawv (DCF-F-CFS0459-E). Yuav muab tau daim ntawv ntawm:

- kev saws me nyuam tus neeg khiav hauj lwm uas tau pab lis qhov kev saws tus txheej txheem;

- kev saws me nyuam cov ntaub ntawv uas muab rau thaum lub sij hawm ua qhov kev saws tus txheej txheem;
- hauv Internet (<https://dcf.wisconsin.gov/files/forms/pdf/0459.pdf>); los yog,
- hu rau Adoption Assistance tus xov tooj hu dawb (866-666-5532)

6. Dab tsi yuav tau muab xa nrog daim ntawv thov kom ntxiv nyiaj rov qab?

- Tag nrho tej tw ntawv (receipts) (raws li tau hais rau ntawm daim foos kom ntxiv nyiaj rov qab) thiab ntaub ntawv piav txog txhua qhov kev siv ntsig txog qhov kev saws me nyuam yuav tsum muab tso rau hauv. Kws lij choj cov nqi thiab kws kho mob cov nqi yuav tsum muab tso nyias muaj nyias. (Cov tw ntawv (receipts) uas xuas tes sau yuav tsis lees txais.)
- Ib daim qauv ntawm daim ntawv muaj npe kos rau Order of Adoption los yog Record of Adoption yuav tau muab xa ua ke nrog daim ntawv thov.

7. Thaum twg thiaj yuav tau thov kom ntxiv nyiaj rov qab?

Yuav thov tau kom ntxiv nyiaj rov qab tom qab qhov kev saws muab lis tiav tas nkaus xwb thiab daim ntawv thov yuav tsum muab xa mus tsis pub dhau ob xyoos tom qab hnuv ua tiav qhov kev saws.

8. Daim ntawv “One Time Reimbursement Request” yuav muab xa mus rau qhov twg?

Muab daim foos ua tiav kom tas thiab tej ntaub ntawv kom muab yuav tau muab xa mus rau:

Adoption Assistance
 DCF-DSP
 P.O. Box 8916
 Madison, WI 53708-8916

Xov tooj: (866) 666-5532 (toll-free)
 Fax: (608) 264-6750

Website: <https://dcf.wisconsin.gov/adoption/assistance>

9. Muaj dab tsi tshwm sim thaum lub department txais tau daim ntawv thov kom ntxiv nyiaj rov qab thiab thaum twg thiaj li tau qhov nyiaj?

Thaum txais tau daim ntawv thov kom ntxiv nyiaj rov qab lawm, yuav muab cov kev siv los xyuas tias muaj tseeb thiab muab kev txiav txim rau qhov nyiaj ntxiv rov qab. Yuav hu rau cov niam cov txiv saws yog pom tias muaj dab tsi tsis tseeb los yog kom muab ntaub ntawv ntxiv. Ib daim tshev rau cov nyiaj ntxiv rov qab uas yog them rau cov kev siv uas tau pom zoo yuav muab xa mus rau cov niam cov txiv saws tsis pub dhau yim (8) lub lis piam (weeks) tom qab tau txais cov ntaub ntawv txhij txhua.

10. Yuav hu rau leej twg yog kuv muaj lus nug txog qhov ua daim foos kom ntxiv nyiaj rov qab?

Hu rau tus Adoption Assistance Program Accountant ntawm (866) 666-5532 (toll-free).

DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sawv daws. Yog koj muaj ib tus mob xiam oob qhab tsis taus thiab xav tau cov ntaub ntawv no ua lwm hom kom koj nyeem tau, los yog kom muab txhais ua lwm hom lus, thov hu rau (608) 266-8787 los yog 711 TTY. Muaj lus nug txog neeg cov cai hu rau (608) 422-6889 los yog 711 TTY (Hu Dawb).